

Mission News

Kuata 3na, 2026

Inter-European Division

Sabbath 1-na

July 4

SIAPINU LE NELEPATE

Camelia; Romania

Tuni a, i mission tangthu pen Romania gam Macea Seventh-day Adventist Sang pan a hong kipuak hi a, tu kuata i mission sumpi khen khat zong tua mun ah a tung ding ahi hi.

Romania gam Macea khuapi a, Seventh-day Adventist Sangpi ah siapinu' zum a tun ciangin nu in a lungsim khentat hi.

“Na sang panin ka tapa a lakhia dinga hong pai hi'ng,” va ci giap hi. “Ka pasal tawh a kikhen ding ka hi a, tu in khuapi dang khat ah ka kituah khia khin ta hi. Ka inn panun hih sanginn tawh nisim in ka kizop nadingun gamla lua hi.”

Kum 8 a pha pan Antonio pen a nu in kumpi sangah a kituhsak nopna thu siapinu Camelia in a zak ciangin dah hi. Dotna khat dong hi. “Na pasal kei tawh kimu dingin nong sawl thei diam? Siapinu in ci hi. Nu zong thukim in inn ah ciahpah a, a sawt loin Pa tawh hong paikik uh hi. Siapinu Camelia in, “Nupa kikhenna pen supna lianpi ahi maw. Antonio zong nulepate kim nawn lo ding, a sang zong zom zo lo lai ding ahi,” ci in thu hilh hi.

Nu in a nupakal uh nuamsa het loin, kikhen ding bekbek kunh den hi. Pa in ahihleh, kiten suak ding a ut zawkna pulak zel hi. Siapinu in tua nupate pongmaan in a kikhop ngei loh lamuh thei ahih manin Lai Siangtho sung tungtawnin thu hilh hi. Eden huan pan pek in Pasian in kitenna thupha a piaksa ahihna le kikhenna a deihlohna thute kuppah hi. Zeisu kammalte ahi, “Tua ahih manin Pasian in a gawmsa mite, mihingte in khenkei taken,” cih thute kuppah hi (Matt. 19:6).

“Nupa kikhenna pen Pasian' geelna hi het lo hi. Satan' geelna bek hi. Banghang hiam cihleh, amah in innkuan sung susia nuam den hi. Nupa kikhente in kim le pamte gendaina, simmawhna thuak in haksatna tuamtuam thuak thei uh hi, cih pen Satan in tel mahmah hi,” ci in siapinu in gen hi.

Romania gam sungah sanginn nih; youth camp khat, church camp khat, le Belgium ah training center khat; tua banah Italy gam, Florence khuapi sunga Italian Adventist University Villa Aurora, cihte kihuh ding hi.

Sabbath 13na a tun ma in:

Leitung buppi a i mission nasepna ah i mission sumpi pen athupi mahmah ahihlam mimal kimin a theih nadingin hanthawn in, phawksak kikkik un. Tua banah Sabbath 13na i sumpi ii seh li suah seh khat tawh Inter-European Division sungah project nam 5 kihuh ding hi.

Mission news gen ma ahi a, gen khit ciang ahi zongin, i sumpite a ngah kha ding gam le munte tawh kisai, Inter-European Division sunga—Belgium, Bulgaria, Italy, le Romania-te gamlim panin mipite lak un.

Maria in zong Tanya tawh Bible study nei khawm pah a, kha 9 khit ciangin, Tanya in a lungtang Zeisu pia in kituiphum hi. Denislav a lungdam dan kigen thei lo hi.

Tua zawh a sawt sim khith ciangin, Tanya in a tangthute amah guak theih in khenkhat a kepsim khinkhian teng hong pulak khia hi. Interview khith ni nih lai in, nidang a a sepna ngei KG sang nei khat in, nasem hibek loin, a nei khawm dingin va zol kik hi. Tua zolna mang hileh, khasum zong hoih mahmah ding banah, suakta takin ama pawlteng tawh a deih bangbangin semthei, geel thei mah ding hi. Tua pen a taktakin ze-etna lianpi khat ahi hi. Ahi zongin Tanya in tua teel ding nam nihte tawikhai in, tua zolna mang leh manh kituat thei lo thupha lianpi a suplawh ding lam phawk kha kiau hi. Tua ahih manin, hun lang nasep a semzaw dingin phone tawh Maria hopih in nasep a kipsak ahi hi.

Tu in, Tanya in KG sang anihna zaw pen ah makaih a, a masazaw pen Maria mah in makaih lai hi. Tua bek tham loin, Tanya le Denislav-te nupa pen pawlpi phut kawikawite hong suak uh hi. Sofia district sunga Seventh-day Adventist kilut zawh nai lohna munte ah, tua mun a om mite' kitangsapna dung zui in khawdak siam takin outreach program kizang thei ding peuhpeuh tawh va lut uh a, pawlpi va phut pahpah uh hi.

“Nangma’ thagum hatna bek tawh bangmah a kispaw zawh loh lam na theih khiat masak ding nak thupi mahmah hi,” Maria in ci hi. “Zeisu mahmah in zong, ‘Kei tawh loin bangmah na hihthei kei ding uh hi,’ ci hi. Ahi zongin Ama’ khutkuak sungah kidiah in, Amah i kiphah nakleh, Amah in nalamdang hong piangsak hi,” cihbeh hi.

Tu kuata i sumpi khenkhat tawh Colorful Hope (Tzventna Nadezhda) kindergarten inn saapna panin amau’ neih ngiat sangpi ah a kituah zawh nadingun huh ding hi hang. Hih sangah hong kah sangnaupangte sungah atamzaw pen Seventh-day Adventist pawlpi mi ahi nai lo innkuante panin hong pai ahi uh hi. Pawlkhat bangin Pasian um nai vet lo uh hi. Bulgaria gam sungah nuntakna kikheel nadingin sumpi tawh nong panpih ciat manun lungdam mahmah hi. Inter-European Division sunga project dangte lakah:

Nupate in zong limtakin ngai khikhe uh hi. “Ngaihsutna

khat nei ing,” ci in siapinu in a thugen zomsuak hi. “Thu na kinialnial uh sangin khat le khat na uukna uh, na deihdan uh kikum khawm zel zaw un. Na zi’ omzia koi bang dante deih, cih khawng ee. Ama’n bang siamna nei? cih khawng zong ngaihsutsak zel buang ding nai ve. Na pasal in bang siamna khawng nei hiam? Cih zong ngaihsutsak zel ding. Ama’ omzia koi bang dante paakta, cih khawng na hoihna uh ki-etsak ding hi uh teh,” ci in siapinu in tha pia hi.

Sang panin Antonio a lakkhiat ding tawh kisai in tawmvei sung ngaklai phot ding Nu thukim hi. Ahih hangin tua zawh a sawt loin, Pa tawh kitawng zel uh ahih manin, siapinu Camelia’ zum sungah va pau lualua zel hi. Atawpna ah kikhen ding le Antonio sang tawpsak ding khentat taktak ta hi.

“Ka pasal in lah nasep nei mel lo, sum bangmah nei lo, innkuan zong hong vak zo lo. A innkuanpihte hong thudon kei,” ci in zom daudau keei hi. Siapinu in Nu’ lungsim puakzia ding telsiam pih mahmah napi, a thuak keikai zawh ding hanthawn veve hi. Romania gam ah nasep muh mengmeng ding haksa mahmah hi. Siapinu Camelia’ deihna pen Nu in thei giugiau hi. A nupa un a kikhen loh ding uh ahi hi.

Tua zawh khatvei a kitotkik leuleu uh ciangin, Pa in siapinu phone hi. “Ka zi in, sum lah nei lo, innkuan sung lah awlmawh lo, hong cici lai hi,” ci in siapinu kiangah gen hi. Tua ciangin siapinu in zong nasep hoih a zon nadingin hanthawn hi. “Na innkuan sung na veina na lah nadingin nasep khat limlim na neih kul hi,” ci in hanthawn hi. “Tua bang khawng! Ka zi in hong cihcih manin nasep zong zawzen ding maw ken?” “Himah lo dia. Na tapa’ kisapna na zi in thei hi ven. Nasep khatpeuh zong limlim oh. Na vak ding tapa nei. Tua pen na tavuan ai ve,” siapinu in ci hi.

Tua bang hi toto lai hi. A kitot simun, Nu pen siapinu’ zum va tung den a, Pa in phone tawh hopih den hi. A kitotna uh pen sum vai hiden in, Pa’ nasep neihloh vai hiden keei hi. Siapinu in

Nu pen a thuak keikai nading le, Pa in nasep a neih nadingin hanthawn tawntung hi. A kitot loh sungsung un a nupa un siapinu' sawlna mang bilbel uh a, a kiho dan uh lem zawdeuh hi.

Tua zawh a sawt loin Pa in Piantit gamah nasep khat hong mu hi. Tua lai ah va om in, inn lamah sum khak zelzel zo hi. Nu zong lungkim mahmah a, ahi zongin a pasal phawk mahmah hi. Hun khat lai-a a khennop mipa pen tu in a it pen le a ngaih penpen hong suak ta hi. Kum 2 khit, Antonio kum 10 hong phak ciangin, Nu in sang panin lakhia in a innkuan un Piantit ah teng khawm uh hi.

Piantit ah a om sung un, siapinu Camelia tawh kithuza den uh hi. Antonio in zong phawk mahmah a, phone tawh a nute hosak pahpah hi. Innkuante in Piantit ah pawlpi khat va mu uh a, tua lai ah kikhawm zel uh cih thu, siapinu in za hi. Tu in amaute' ki-itna khangto mahmah a—amau bek hi loin Pasian tawh zong kinai uh hi.

Kumpi sangah Antonio grade 6 a kah dingin innkuante Ronania ah hong ciakkik uh hi. Adventist sang ah kah kik nuam mah hiven, grade 4 ciang bek kihongzo pan hi. Siapinu Camelia ahih leh innkuante tawh lawm hoih in om paisuak uh hi. Khuapi sungah Pa a muh khak simin, nuihmai kawmsa in Pa in hopih den a, “Lungdam lua ei Siamah. Nang hangin ka innkuan a taan lo hi'ng ei,” ci zel hi.

Tu kuata i sumpi khen khat tawh Romania gam, Macea khuapi a i pawlpi sang, tan 4 sang kihuh dinga, sangnaupang a tamzaw a kikahsak zawh nadingin kibeblap ding hi. Phal takin sumpi nong piak khiat manun lungdam mah mah hi.

dawnkikna ah, a pasal in a beisa sawt nai lo lai in Adventist pawlpi zuan a, tua hangin a heh luatna thu gen hi. Zum khak ni sunsun in amah tawh a omkhop hithiat sangsikin a pasal Saturday ni in a biakinn ah a pai detkeei pen, a telsiam zawhloh lam gen hi. Tua banah Lai Siangtho sim dinga a pasal in a sawl ciangin nial in, biakinn ah zong zui nuam lo ahihlam zong gen hi.

Maria in Tanya kiangah, a KG sang uh tawh kisai limtakin hilh a, tu in Sofia khua sung mun nih ah sang kihongta in, a mun nih a kigawm naupang 30 bang a neih lamuh gen hi. Tua banah Adventist-te in bang um a, koici nasep uh, cih zong limtakin hilh beh hi. Tanya pen kha thu lam tawh kisai in, thu-im sim nei khol lo ahihlam thei khia hi.

A thu kikapna uh pen, KG sang in touna bangzah bang tuak kha ngei khin a, Pasian in koici makaih ngei khin, cih lamah hong lut pianpian uh hi. A sang vuah Tanya semsak nuam pian ahih manin, part time-a lut dingin Maria in Tanya nasep guan hi.

Ni nih khit ciangin, tua nasep ah a sem dingin a thukimna Tanya in phone tawh zasak kik hi. Kha khat khit ciangin, Maria in Tanya' thu teng khempeuh thei ta hi.

Tanya in a genkikna ah, a interview khit ciangin nakpi takin kapziahziah ahihna thu genkik hi. A mawtaw sung vuah a ngak gige, a pasal Denislav gei ah tuphei pah in, minut 30 sung bang kapziahziah phot hi. A lawmpa in lah nuihsan hithiat lel in, a sungah Kha Siangtho in na sem ahihlam theisim khin khian lel hi.

A interview sunguh tawh kisai Tanya in a genkikna ah, Maria bang danin upna tawh a nungta dingin a ut ngiatna lungsim khat a sungah nak om mahmah, ci hi. Tua khit ciangin, tua KG sang panin a ciah khiat leuleu ciangin, a tungah tungsun ni, nizang a thak sitset khat a taangsuk bangin amahmah kithei hi. A nuntak sung tawntungah a khatveina, Pasian' itna kiphawk thak kha hi.

Mawtaw sungah a nunung penpen a khitui a nul khit ciangin, a pasal Denislav kiangah, Sabbath ni ciangin biakinn ah a zuih ding lam, kamciam pia pah hi. A kamciam bangin gamta pah hi.

Tu kuata i sumpi khenkhat tawh Colorful Hope (Tzventna Nadezhda) kindergarten inn saapna panin amau'neih ngiat sangpi ah a kituah zawh nadingun huh ding hi hang. Hih sangah hong kah sangnaupangte sungah atamzaw pen Seventh-day Adventist pawlpi mi ahi nai lo innkuante panin hong pai ahi uh hi. Pawlkhat bangin Pasian um nai vet lo uh hi. Bulgaria gam sungah nuntakna kikhel nadingin sumpi tawh nong panpih ciat manun lungdam mahmah hi.

Sabbath 13-na

September 26

KHITUI LUANGA KAP SIAMAHNU

Maria; Bulgaria

Tu kaal mission tangthu pen tu kuata i sumpi tungtawn-a phattuumna i ngahna thu vive ahi hi.

Seventh-day Adventist nupi khat in, Bulgaria gam, Sofia khuapi sunga kihong, Colorful Hope (Tzventna Nadezhda) kindergarten a phuankhia nu tungah, siamah thak ding khat pulaak hi.

“KG sang a kihonkik ding leh tua nu pen ngaihsut taak ding hi,” tua phone set nu in ci hi.

Colorful Hope ah pen siamah ding akulzah sangin kicing khinzaw a, ahi zongin sang phuankhia nu, Maria' muhna ah Pasian in a kul lo khat zong pia lo hi, cih thu ahi hi. Pasian' aw ngaih ding le Ama' deihna zon masak ding pen ama' ngeina suaksak khinta hi.

Tua ahih manin amah in, “Tu tadih in pen siamah kisapbeh nai kei phot, ahi zongin Tanya tawh bel kimu masa nuam limlim mah ing ei,” ci hi.

Nasep nading tawh kisai a interview sungin, Tanya in Zeisu it takpi maw, it takpi lo cih, Maria in thei nuam hi. Tanya in a

Sabbath 2

July 11

MUHNA HI LO UPNA KALSUAN

Clara; Romania

Clara pen sangnaupang navak khat hi a, na khat peuhpeuh hih ngam in, ngaihsun khia tawm thei hi. Kum 11 a pha pan numeino khat ahih hangin, a thunget khempeuh kidawng hi, ci in kimuang takin gen ngam hi.

A sang vuah, pianpih mangpau tawh lai a hilh thei ding sia kisam mahmah hi. Ahi zongin, vai tuamtuum hangin tua mun a sem ding a om loh hangin sang kihong veve hi. Tua tawh kisai in Clara thunget kipan a, a sawt loin hong lem dingin um ngiat hi. Hun bei toto in, tua lai a sem dingin kuamah lunglut tuak het lo hi, ahi zongin Clara lungkia vet loin—a thunget zomlai veve hi.

Leitung pang lang khat ahi, Australia panin, khangno lai numei Andreea kici khat camp meeting hong kah zenzen hi. Missionary innkuan khat in a tuahkhak uh thute a hopsawn leh, tua nu lungsim sukha mahmah hi. A lungsim sungah ngaihsutna khat hong lutpah a, ahi zongin tua dingin khentat sawm tuan lo hi—banghang hiam cihleh, a hun tung sa nai lo hi.

Amah zong nasep a kipancil lai khat hi a, amah le amah kivaak in a om, a kipatcilna hi pan a, mortgage la in, nasep siamna a kisin tawm pan lai ding ahi hi. Tua bang tawh hun nai kisa lo hi. Tua kawmkawm in, Instagram sunga VividFaith sung a etet leh mission nasem dinga sapna khat a mu kha hi. Andreea in zong “like” ci in click a, a sep ngei teng sem in, tua bang ngaihsutnate nusia phot hi. Ahi zongin a lungtang sungah khaici khat kituh khinta hi.

Tua laitak in, Romania gam sungah, Clara in thu na ngenngen in, a nget ngah ngiat dingin um ngiu ngeu hi. Kha tawm khat khit ciangin, Australia tuipi gei khat ah Andreea tawlna in a Instagram a toktok laitakin VividFaith post khat in datlaih bangin a lungsim sukha lak-a, mission nasem ding sapna tangkona hi a, a diakdiak in pianpih mangpau a pau mi kideih hi.

Tua sapna in amah teekteek a sam bangin kingaihsun pah

a—a lungsim sungah kizeel in, saan loh theih loh bangin ngaihsun pah hi. *Hai vai leltak ing ee*, kici zel hi. *Khiatna nei kei*. *Kigin kholhna nei lo pi*. *Hih bang sem dingin tintan ka kah ngei loh pi*, kici zel hi.

Andreea le a innkuanpihte in hih tawh kisai in Pasian in lampi maan a hilh nadingin kaal 2 sung antan thunget nei uh hi. Tua bangin a nget uh ciangin, Pasian in Romania ah paisak nuam ahihna ciantheih semsem uh hi. Tua ahih manin, tua lai a sem dingin a min pia ta hi.

Kha 2 hong beita a—dawnkikna bangmah om lo hi. Andreea in a lungsim sungah khem thuak maw leh, kici liang hi. Ama' lam panin a hih dingteng man ta a, ahi zongin kuamah in dawnkikna lai khak lo hi. Pasian in kul sa nai lo hi kha in teh, ci in kihehnem phot hi.

Tuateng khit, September kha ciangin, a nasep siauhna dawnkikna email khat Andreea in ngah hi. Sang makaite in interview a neih khit ciangin, Pasian in a kilang loin na a seplam Andreea in theitel ta hi. Pasian in na khempeuh ukin kem ahihna le, vai khempeuh ah Ama' geelna mah a muanhuaina thu theikhia pan hi.

Himah taleh, a theih ngei nailoh nasep khat a sep nadingin a lungsim patau sim giugiau den a—nasepna thak ah koici sep ding, cihte-a kipan, a inn mortgage laknate, nek le dawn dingte le pawlpi ah a tavuan let khempeuhte a kipan a van hong gik semsem sa hi.

Khitui luang kawmin, hih pen Pasian' geelna takpi mah hi maw hi lo, a theih sak nadingin lim lamdang ngen ngiat hi. Tua laitakin, cikmah hun a a theih ngei loh, a ngah ngei loh lungkimna khat ngah hi. A theihna in a citzawh loh lungmuanna khat ngah hi. Tua hun pan kipanin Pasian' deihnate lunghiang nawn loin a sangta hi.

Tua zawh kha khat a cin khit ciangin, Romania vanleng tualah Andreea va tusuk ta a, tuhun lam ciangin, “Ka nuntak sunga hun nuam pen,” acih theih ding hun nuam khat a kipan hi ta hi. Ama' muh khiatna ah, nang tungtawnin Pasian in na a sepna na

kilawm takin, tua lenglate' mai ah Zeisu' itna thute a kilangsak program tuamtuam hihsak uh hi.

Tua birthday ah hong pai naupang khempeuh, nulepate khempeuh, pilepate khempeuh, nilegangte khempeuh in nuamsa mahmah in lungdam mahmah uh hi.

Tua khit a kipanin, Dany' innkuanpihte in Seventh-day Adventist laibute—Ellen White' gelh, *Khangcin Lunggulh* laibute a kipan tampitak hong simsim ta uh hi.

Tua kawmkawmin, Dany zong hong gol toto ta a, grade 1 kah thei ding hong hi ta hi. A innkuanpihte khempeuh zong sianahte tawh kimaingap in nuam kisa mahmah uh hi. Amaute in Lai Siangtho sinzom toto uh a, a khuavak thak muhdan uh hong kilamdang mahmah ta hi.

KG panin Dany a tuah zawh kum khat khit ciangin, Nu in KG sang phuankhia masapen siapinu, nitak nai 10 hun in thukin takin phone call hi. “Dany in a tuihai kitamsak,” ci hi. “Dah cihtakin dah in kap vangvang hi. Nong huh thei ding hiam?” ci hi.

KG sangnaupang khempeuh in a tuidawn nading uh, maan-hai tungah amau' min ciat kigelhsa, le sang phuan nu, Maria in a khut tawh a suaiah lim khat tua maan-hai tungah khetsa in sang panin khat tek ngahciat uh hi. Tua haite pen sangnaupangte in nak thupi ngaihsut lua mahmah uh a, KG sang panin a tuah uh ciangin, a inn ciat vuah ciahpih uh hi. Dany in tua hai—a KG sang tawh a lungsim khempeuh a henkhawm tua maan-hai kitamsak kha hi.

Maria in zong a manlang thei penpen dingin courier tawh Dany' tenna khua ah maan-hai thak khat khak pah hi. Tua tawh kigawm in Seventh-day Adventist laibu tampitak zong khak khawm hi.

“Naupangte lungtang sungah Pasian' khutmate i muthei hi,” Maria in ci hi. Dany le a innkuante tungah Pasian in geelna khat nei gige cih, Maria in thei pah a, a muh ding kal ngaklah mahmah hi.

AKITAM TUI-HAI

Dany; Bulgaria

Ciapteh ding: Tu kaal i mission tangthu pen Bulgaria gam, Sofia khuapi sunga Colorful Hope (Tzventna Nadezhda) kici, Seventh-day Adventist kindergarten (KG) sang tangthu hi a, tu kuata i mission sumpi khenkhat tawh a kihuh ding ahi hi.

Bulgaria gam, Sofia khuapi a, Seventh-day Adventist KG sangah Dany a nu in a khak lai in, kum 1 le kha 9 bek pha pan hi.

A ta 2na ding gaaikik kengtangta ahih manin Dany a kem ding mi khat kisam mahmah hi. Nu pen Seventh-day Adventist hiloin—pawldang khat ahih hangin, Seventh-day Adventist siamahte in a tapa Dany pen Zeisu a it ngiat dingin pattahsak zo mahmah ding hi, ci in up cihtakin um ngiat hi.

Dany in zong a siamahte it pah in, KG sang sunga a zak Lai Siangtho tangthute zong zaknopsa mahmah hi. A innkuanpihte khempeuh in zong KG sang le a siamahte uh paakta mahmah pah uh hi. Dany' nulepate, a pilepute, a gangte le a nite khempeuh pen social media tungah KG sang' adingin fans lianpente suak pah uh a, KG sang panin post kisuang masasa like le comment na piaksak ziahziah uh hi.

Ni khat, Dany' nu KG sangah va hawh in, a kingen ngei mengmeng khol lo ngetna khat va nei hi. “Dany' birthday ka bawlsak theih nadingun mun khatpeuh nong geelpih zo ding uh hiam?” va ci hi. “Lengla tampitak mah sam nuam kahih manun khan gol simsim khat hileh ka ut uh hi,” va ci hi.

KG siamahte zong thukimpah pah uh a, tua innkuante in zong Bulgaria gam sunga Seventh-day Adventist biakinn ah a tapa' birthday thupi takin bawlsak thei uh hi. Pawldang innkuan khat in Seventh-day Adventist te headquarter zumpi conference hall pi sungah a tanu' birthday va bawlsak, cih pen a lamdang pi khat mah ahi hi. KG siamahte khempeuh in zong thupitak le

muh nop leh, na ut photphot, na thuman photphot ding le na lungdam theih photphot kul hi, ci hi.

A gen zeelzeel thu khat in: “A hoihzaw khat hong piak ding geelna om masa lopi in na khatpeuh a nusia dingin Pasion in hong ngen ngei lo hi,” Andreea in ci hi. Hih thu khempeuh pen Clara' adingin Pasion' dawnna hi a—naupang khat nangawn in lungsim takpi tawh thu a nget nakleh Pasion in thusim loin om zo mahmah lo ahihna teci ahi hi.

Andreea' adingin, hih pen Pasion' nung zui dinga ki-apna taktak hi a, i nuntakna sungah a hoih penpen ding a thei gige Pa' thu i man ding ahoihna hong musak hi. Ama' geelna bangbang man huai hi, banghang hiam cihleh, Andreea' cih mah bangin, “Pasion in ei' sangin a hoih thei zaw hi.”

By Cristina Ro'u

*VividFaith, i cih pen Seventh-day Adventist Church' nasepna khat hi a, Adventist Volunteer Service, cihte dan a Pasion' na a sem nuam mite tawh kizoppih theih nadinga kibawl online platform khat ahi hi. Nasep na muh nading, or na khantoh nading in hih www.vividfaith.com sungah na lut in.

NUNTAKNA THAK LETSONG KHAT

Juergen; Austria

Tuni a, i mission tangthu pen Bogenhofen kici, Braunau sunga Seventh-day Adventist campus sung thu hi a, tua sungah elementary school khat, high school khat, le seminary khat kihel hi. Hih sang in 1986 kum sungin khatvei i mission sumpite ngah kha ngei khin hi.

Juergen pen a lungsim puak hoih lo mahmah mi khat hi a, tua hang mah in Austria gam high school khat panin a kihawlkhia ahi hi.

A buaih ngah nading kum khat bekbek in a sap laitakin, a gamtat hoih lohna hangin sang panin a paikhia dingin kisawl hi. Austria kumpi sangte ah gamtatna zong mat kipia ahih manin, amah in tungsiahte tawh buaina nei tawntung banah, a sang class zong pelh ngiit ngeet hi.

Sang dang ah kah sawm kawikawi taleh lem tuan lo hi. Ahi zongin, tua a high school siapipa un hehpih thei mahmah hi. “Bogenhofen ah va pai sin dih ve. Tua lai ah hong kisang kha thei ding ai veh,” ci in sawl hi.

Juergen le a nulepate zong, Seventh-day Adventist Sang Huangsung ahi, Bogenhofen ah vapai uh hi. Biakna cih meel a nei lo innkuan sung panin hong pai ahih manun, hih sang ah naupangte in Pasion a theih nadingun kipantah ahihlam Juergen in a muh ciangin lamdangsa mahmah hi. Kah nuam taktak pha lo hitaleh, a pa in a kisin photphot dingin kunh teitei hi.

Juergen zong a kah dingin thukim hi.

Grade 12 ah a tuthei ding ahih hangin, grade 11 ah tut kik ding teelzaw hi. Hih sangah kum 2 a kah sungin a nunzia tampitak kikhel man hi. A theihloh kal in voksa le zu a ngawlzo suakpah hi. Bang a cih leh tuate ngawl zo hiam, cih amah nangawn kitelzo lo a—a ngawl hiziau lel hi.

Bible class ah a kahkah hangin, high school ah a kah sung ciangciang Juergen in Pasion thu ngaihsut in nei se lo hi. Ahi

kiangah gen hi. Tua khith a sawt loin Pa zong a bodyguard nasep hong khawl ta in, sang ah physical education (PE) a hilh dingin nasep siau hi.

Asawt loin, innkuante khua dang khat ah va piang uh a, tua lai ah Pa in PE sia sem hi. Ahi zongin siamahnu le Nu ahih uh leh kizomden uh hi.

Tu in, Gogi pen Grade 4 hi ta a, A class student pawl ah kihel zo ta hi. Nu pen tui kiphum nuam a, ahi zongin a masa in, a nupa un kiteng masa phot nuam hi. Amaute pen ataktak in common-law relationship tawh a omkhawm uh hibek ahih manun, tu in Pasion’ mai le kumpite mai ah nupa tazavuan taktak suak nuam uh hi.

Tua kawmin, Nu in melhoih dinga zepna nasep a sepkawm in ama kiangah hong kipuahsak mite tungah Zeisu a itna thute hawmsawn kawmkawm zel hi. KG sang panin Lai Siangtho le laibu dang tuamtuan kikhak zel a, tuate a lawmte’ tungah hawmsawn zel hi. Ama’ sunmang pen missionary suah ding hi ngiat hi.

Siamahnu in siang takin thu mutel ta hi: Pasion in Seventh-day Adventist KG sangah Nu le Pa a puakna pen khial het lo hi. Nalamdang khat a piangsak hizaw hi. Tua khentatna in amaute’ nuntakna kheel vilvel paisuak hi.

Tu kuata i sumpi khenkhat tawh Colorful Hope (Tzventna Nadezhda) kindergarten inn saapna panin amau’neih ngiat sangpi ah a kituah zawh nadingun huh ding hi hang. Hih sangah hong kah sangnaupangte sungah atamzaw pen Seventh-day Adventist pawlpi mi ahi nai lo innkuante panin hong pai ahi uh hi. Pawlkhat bangin Pasion um nai vet lo uh hi. Bulgaria gam sungah nuntakna kikhel nadingin sumpi tawh nong panpih ciat manun lungdam mahmah hi.

uuk mahmah leh kilawm nupinu in supermarket khawng ah va pai in na hoih nonote a kiman theitheih in vangah a, tua tawh KG sangnaupangte khawng va huh huh hi. Siamahnu zong Gogi' khantohna zekaina hangin a lungkham mahmah ahih manin, a nu kiangah va hawh zel in naupang' pil nading a deih luatna tawh kisai va kuppah zel in, inn panin a panpih theih nadingun va hanthawn hi.

Kha tampi khith ciangin, Gogi pau thei takpi a, a dang tuamtuam zong hong khangto mahmah ta hi. Siamahnu le Nu zong hong kimeltheih semsem in hong kilawmta mahmah uh hi. Siamahnte in Gogi' pa pen Bulgarian gangster-te' bodyguard ahih lam damdam in hong thei khia pianpian pan uh hi.

Siamahnu in Gogi le a innkuanpihte' adingin a thungetsakna zom paisuak hi.

Zingsang khat, siamahnu in Nu kiang panin video message khat ngah hi. Tua video pen Gogi a ci na in inn ah om a, tua video sungah, "Nu aw, khalam breakfast i nek hun ding hi ta hi," ci in gen hi.

Kindergarten ah, siamahnte in zingsang hun bawl na pen khalam breakfast ci uh hi. Tu in, Gogi in a nu tawh inn ah zingsang biakpiakna neikhawm nuam hi.

Tua video sungah Gogi in Tapidaw la khat a sang vuah a sakzelte hong sa hi. Tua khith ciangin, a naupang Lai Siangtho—a sang panvua letsongin a ngah pen tawi kawmin, a tangthu zaknop pen a simsak dingin a nu kiangah lak hi.

Nu in a lungdamna siamahnu kiangah gen hi. Siamahnu zong nak lungdam mahmah hi. Nu in zong Pasion' thu a theih theih nadingin a lungsim kihong pianpian ta, cih muh a, damdam in Bible study piak kipan pianpian ta hi.

Gogi' inn sungah nuntakzia kikhelna hong piang ziahziah ta hi. Pa zong a sa nek hong khawl ta hi. KG sangah naupangte cidamna an bekbek kivak ahih manin Gogi in zong inn ah sa nek ding ut nawn lo hi. Tua ahih manin a innkuan bup un sa ngawl uh hi. Sa a nek loh vua kipan a cidam zaw tawh a kibat lam Nu in Pa

zongin a graduate khith ciangin, Bogenhofen ah kum 1 le alang tintan kikhahna ahi, health training kah hi. Cidamna tawh kisai a sin phatphat ciangin, *Hih Adventist-te in bang um taktak uh hiam*, cih thei khia in lamdang sa saan saan pan hi.

A khat veina Lai Siangtho a pat panin a tawpna dong sim khia demdam tasam hi. A dotnop hong tam semsem pan a, a khaanpihte khat in Lai Siangtho sinpih dingin a zotna mang pah hi. A nih un Daniel bu sung sin kipan pah uh hi.

Juergen in lamdangsa semsem hi. Tua sunga kigenkholte khempeuh—Topa Zeisu hong paikik nading cih simloh—avekpi in a hunhun in tangtung khinta ahihna mukhia hi. Na khempeuh khiatna nei vive ahih lam teltakin mukhia hi. A lungsim sungah, *Lai Siangtho pen maan taktak ding hi!* Ci in ngaihsun hi.

Piangsak Pasion om takpi ahihna a saan theih nadingin haksa lua nawn lo ta hi. A innkuan uh pen biakna mi ahih khol loh uh hangun, kikhel toto (evolution) cih upna pen sang thei het lo bilbel uh hi. Atawpna ah a lungtang Zeisu pia in kituiphum hi.

Juergen Tapidaw suakta hi, cih a theih uh ciangin a sanggam u le naute in zahpih in koko uh hi. Gamlak ah hermit bangin amah guak om in meitaang omlohna ah amah guak a tangten dingin phinphin uh hi. Ahih hangin Khazih in ama sungah a piangsak nunzia kikhelna a muh uh ciangin a lungsim puak uh hong kikhel kik leuleu hi.

Bogenhofen ah a khak manin a pa khatvei zong kisik nai lo a, Juergen' nuntakna' adingin khentatna hoih penpen hi, ci den hi. Tu in, Juergen' nu pen Seventh-day Adventist pawl sunga Bible study group sungah khat in hong kihel thei ta hi.

Tu in Juergen kum 36 phata a, Seventh-day Adventist sangah a kah khak manin a lungdamna gencim thei nai lo hi.

"Sangnaupang ka hih lai in, ka hamphat lam ka phawk kha kei hi. Tu in ka phawk pan hi. Bogenhofen ah sang ka kah khak zenzen ka lungdam mahmah hi. Ka nuntakna hong kheel vilvel hi," ci ngau ngau hi.

Sabbath 13na sumpi nong piakna uh hangin Juergen bang mite Khazih kiang hong tunpih nahih manun lungdam mahmah ungh. Bogenhofen pen Austria gam, Braunau gei ah om a, 1986 kum a i mission sumpi tawh numei bawda ding khatvei hong kihuh ngei khin hi. Tu kuasa i sumpi tawh Inter-European Division sunga mission nasepna kihuh dinga, tua sungah Austria zong a kihel ahi hi.

Sabbath 4-na

July 25

NIANGTEH LE CELL PHONE

Yvonne; Austria

Tuni i mission tangthu zak ding pen nung Sabbath 13na i sumpi tawh i huh innpi kilamna tawh kisai thu hi. A thu pen Bogenhofen a, numei bawda sunga thupiang ahi hi.

Yvonne pen, Bogenhofen ah numei bawda uk hi a, sangnaupang numeite in ni khat in minit 45 sung bek phone zangthei ding, cih thukhun pen diksa mahmah hi. Phone bekbek a en tawntung, a suai ngiat mi pawlkhat mu ngei khin a, tua thukhun in tampitak phatuam sak ahih manin dik a sa ahi hi. Tua hileh numeite khat le khat—kiho hun, nuih khop hun, cihte leh sang huang sunga gun neu sungah gunkuang khawng hot khawm ngeingai thei tuam pah uh hi.

Ahi zongin, a theih ngei gige khat in, thukhun thak a om simin a palsat nuam sangnaupang a om pah sese-na ahi hi. Numei bawda sungah numei pawlkhat in phone 2 nei uh, cih pen muangmawh pian hi. Khat pen aap zeel in khat pen selsim khinkhian uh hi. Ahi zongin, kician takin a theih khiat mateng bangmah pau nai se lo hi.

Ni khat, numeite tampitak a khansung vuah cina in om ngelngaluh uh hi. Tua nitak in, Yvonne in amaute herbal niangtui

Sabbath 11-na

September 12

PASIAN KHIAL NGIAT LO HI

Gogi; Bulgaria

Ciapteh ding: Tu kaal i mission tangthu pen Bulgaria gam, Sofia khuapi sunga Colorful Hope (Tzventna Nadezhda) kici, Seventh-day Adventist kindergarten (KG) sang tangthu hi a, tu kuasa i mission sumpi khenkhat tawh a kihuh ding ahi hi.

Seventh-day Adventist kindergarten ah nulepate hong pai lai un siamahnu in amaute khial sa ngiat leh kilawm hi. Pa pen a lu pan a khepimuk dong tattoo bekbek dim zihziah in, nu zong lah puan a model theitheih tawh kumpi tanu bangin hong kizem liang hi.

Nulepate in a tapa uh Gogi a koih nading uh mun hong en a hong pai uh ahi hi. Siamahnu in bel, naupang KG khat om nading leltak, tua bang-a mun hoih zon keei ding kul sa lo hi. Tua ahih manin daaitakin thungen sim khinkhian a, tua banga nulepate' puatham kizepzia khawng tawh na khatpeuh a khentat khialh khak loh nadingin ki-ap pha kik hi. Tua khit ciangin tua nulepate kiangah, Seventh-day Adventist KG sang siamahte in a naupangte uh Zeisu a it theih nadingun hilh hi, ci in genkik hi.

“Hilua ei, hoih lua ei. Ka tapa uh hiah hong kaksak nung ei,” tua nupate in cipah uh hi. Gogi pen a khuak kilamzia tawm zekai pian hi. Hong tun cil in naupang dangte tawh kiho thei pah loin, aw' ging kitel thei mel lo pawlkhat bek pau thei hi. A tat ahekzia mahmah zong midangte tawh kibang pha lo se hi.

Siamahnu in Gogi' adingin nakpi takin ni tampi sung thu ngetsaksak a, hun tampipi pia in kikhohpih a, a pau theih nading le midangte tawh a kikhoh nop nadingin pantahtah hi.

Hun hong beitoto a, Gogi' nu pen a tapa tungah kinga lua mahmah le it lua mahmah ahih manin a sangkahna KG sang mahmah zong it in panpih ngiat ahiam Gogi' siamahnu in thei khia hi. Ahih theih tawpkhak in a piang thei lampi khempueh tawh huh nuam hi. Siamahnte' lamdang sak ding khop in, hih model

“Tua laibu nang koi pan ngah nahia boih?” ci in dong hi.

Shopping center khat ah a pai lai un theih loh mi khat in a piak ahihlah gen hi.

Sophia in tua Sabbath School lesson bu pakta mahmah hi. Ahih hangin ama’ laibu deihipen taktak ahihle, KG ah a siamahnu in a piak naupang Bible ahi hi. Tua a Bible pen inn ah ciahipih in, nisim in a lim tuamtuamte enen in nuamsa mahmah hi. A laimaite bang a lem ciangin, KG lai-a a tangthu zakte phawkkik pah lianlian hi.

Khatvei, nikhat, Sophia in Bible bu dang khat—aneu, a san liklek—khat tawi in a kileh kawikawi a siamahnu in mukha hi. Tua pen sun thapai in tawitawi zo zen hi. Atawpna ah a siamahnu in, “Banghangin tua Lai Siangtho mun khempeuh ah tawi kawikawi na hia boih?” ci in dong hi.

“Hih pen ka laibu deihipenpen ai ve. Hih bang dan khat inn ah ka neih loh mah dah lua ing. Tu in, ka pi’ aa (Lai Siangtho) ngah tading ka hih manin, hih pen mangpha khak ta ning ei,” ci in dawng kik hi.

Siamahnu in lamdang sa lua hi. Sophia in a naupang Bible bangzah takin it hiam, cih tel sansan pan hi. Tua a neu, a san liklek Bible pen a laimal zong neu in, a sungah lim om lo hi. Ahi zongin tuni in, Sophia in tua Lai Siangtho san liklek pen a laibu deihipenpen dingin khentat ta ahih manin, tua tawh kikhen nuam ngiat lo hi.

Tua ni, nitak lam sang a buah ciangin, Sophia a siamahnu in tua Lai Siangtho san liklek pen letsongin pia leuleu hi. Sophia nuamlua mahmah hi. Inn ah ciahipih pah in, sangkhak hun ni ciangin a pi’ kiangah ciahipih pah hi.

“Sophia bangzah takin khangto hiam cih ka encik gige a, Pasion tawh kizopna tuam vilvel nei thei hi, cih ka mukhia hi,” a siamahnu, Maria in ci hi. Tunu bekbek in zong, zingsang hun bawl laitakin i khuapi’ ading le i kindergarten sunga singkung khempeuh’ adingin Sophia in thungen ngiat hi.

Tu kuata i sumpite khenkhat tawh hih Colorful Hope (Tzcentna Nadezhda) Kindergarten sang pen innsap tawm nawn loin amah mah in inn khat a neih zawh nading i huh ding hi. Bulgaria gam sunga nuntakna kikhelsak nasepna munte ah nong kihel manun lungdam mahmah hi.

lum vitvit va puak hi. Numeite’ khan sungah tua niangtui a va puak ciangin, a ngeina ding a bang meel lo khat va phawk kha hi.

Tua khansung a lut nadingin Yvonne in kongpi nih a nawk masak kul hi—a pua nungzaw le a sung nungzaw ahi hi. A pua nungzaw kongpi kiu in hong pheih hi. A sung nungzaw nunglam ah a ging khat za pak napi, daai kik vat hi, bang hi ding hiam, ci in lung himawh pian hi. A sung nungzaw kongpi a hon leh, a ngei banglo pawlkhat mu kha hi. Kum 16 gual numeino khat a lupna ah lum hi. Niangtui a va puak manin Yvonne tungah lungdam a koh khit ciangin hih bangin dong hi, “Siamah nang bang hun ciang lum ding? Hih lai ah nong paikik dia?” ci hi.

Yvonne in zong a lungsim sungah, *Hih thu dotnate lunglut huai hi lo maw* ci khin khian hi.

Numei dangte kiangah zong limtakin a check gaih khit, minit 10 khit ciangin, gen khol se loin tua kum 16 numeino kiangah a lut kik hi. Kong a hon pheih leh numeino in bang hiam khat a puanza nuai ah sel buatbuat hi.

Na khatpeuh a ngei bang lo hi, cih pen Yvonne in tel taktak ta hi. Bang cih leh hoih dingin na um hiam?

Tua nitak in a inn a tun ciangin, thu ngen a, “Topa aw, hih numeino ka huhzawh nadingin hong huh tapeuh in maw,” ci hi.

Zingsang nai 4 sat ciangin, tua numeino khan sungah a lutnopna lungsim hong om veva hi. A lungsim sungah, *banghang hipeuhmah ding hiam? Ihmu lai lo ding a hiam? Phong ziau lel in.* Cih bangdan khat teng a lungsim sungah hong om bialbual hi. Tua khit ciangin ngaihsutna dang khat hong lut leuleu in, *A cina takpi zong hi kha thei ding hi,* ci leuleu hi.

Yvonne zong numeino’ khan lamah pai in kongpi pua nungzaw hong pheih hi. Kongpi sung nungzaw sung lamah khuavak taang hi. Kong a hon pheih khiankhian leh numeino a lupna ah nalum in, a phone na enen hi.

Damtakin a kongpi lehkhak kik a, a zumkhan lamah thungen dingin a paisuak hi. “Topa aw, bangcih lengin hoih penpen ding hiam, hong hilh in,” ci hi.

Tu petpet ciangin tua numeino a va hopih ding, a lungsim sungah hong om veva hi. Tua khansung lamah Yvonne hong kilehkik in nai 2 sung bang tua nu va hopih hi. A kihona uh a man ciangin, tua nu in, “Nong theihsa mah bangin ka phone khatzaw kong aap kei a, a tawntungin ka zangh den hi. Ahi zongin tu in a hihleh hong aap nuam ta ing, banghang hiam cihleh, nong veina nong lainatna ka telta hi,” ci hi.

Yvonne lungdam mahmah hi. Tua numeino ngongbawl het loin, a phone suai-na a nusiak zawh nadingin deihsak takin a hanciampih ahihna tua numeino in thei ta ahih manin Yvonne lungdam mahmah hi. Tua ni zingsang mah in tua numeino in Pasian pen a phone’ a ukpa, a Topa suaksak in Pasian ki-ap bit zo ta hi.

Sabbath 13na sumpi nong piakna uh hangin suai theih khat peuhpeuh a nei mite Khazih kiang hong tunpih nahih manun lungdam mahmah ungh. Bogenhofen pen Austria gam, Braunau gei ah om a, 1986 kum a i mission sumpi tawh numei bawda ding khatvei hong kihuh ngei khin hi. Tu kuata i sumpi tawh Inter-European Division sunga mission nasepna kihuh dinga, tua sungah Austria zong a kihel ahi hi.

SOPHIA’ DEIHPEN LAIBU

Sophia; Bulgaria

Ciapteh ding: Tu kaal i mission tangthu pen Bulgaria gam, Sofia khuapi sunga Colorful Hope (Tzventna Nadezhda) kici, Seventh-day Adventist kindergarten (KG) sang tangthu hi a, tu kuata i mission sumpi khenkhat tawh a kihuh ding ahi hi.

Sophia pen a ciim mahmah, na khatpeuh a theitel nuam numeino kum 2 gual hi a, Bulgaria ah teng uh hi. Amah in inn panin Pasian’ thu kici limlim za ngei lo hi, banghang hiam cihleh, a nulepate pen biakna lam peuhmah a lunglut vet lo mite ahi uh hi. Ahi zongin a nulepate in Bulgaria gam khuapilian ahi, Sofia ah Seventh-day Adventist te in KG sang khat hong hi, cih za kha uh ahih manin tua lai ah Sophia kaksak nuam uh hi.

Zingsang sima a zak uh Bible tangthute pen Sophia in zaknop sa mahmah hi. Tua tangthute lunglut lua mahmah ahih manin tampitak lotngah liang hi.

Sophia kum 3 hong phak ciangin a Bible tangthu zakte khat le khat a kizopna hong thei pianpian ta hi. Ni khat, a siamahnu in Samson tangthu hong sim in, Philistine mi gilote in Samson manin thong sungah a khatna thu uh gen hi.

“Aw, Philistia mite maw! Aw Goliath pianna mite ai ve maw” ci in Sophia in zom thei pah hi. A gen maan mahmah hi. Samson a man tua Philistia te pen a nungram ciangin hong khang Kumpi Saul le David hun lai a, Goliath kici pen te tawh beh kibang ahi uh hi.

Sophia’ thukantel theihzia in a siamahnu lungmang sak zo hi. Ataktak in a lamdang mahmah numeino khat kici thei hi.

Nikhat, Sophia in naupang Sabbath School lesson a simlaitak, a nu in phone tawh marn zaih simin a siamahnu khak sim hi. A sianu in lamdang sa mahmah hi. Banghang hiam cihleh, tua innkuante tungah Sabbath School lesson bu khat zong pia ngei lo hi.

Sarchoh sign thuh dinga a pai ni ciangin, inn sungah a lut phei leh innteknu' pasal pen armchair khat tungah na tu hithiat in, Lai Siangtho na simsim hi. Lamdang sa vat hi. Tuapa pen religion le philosophy hilh, professor pensen la khin khat na hi maw'k hi.

Tua khith ciangin Maria zong sabuai gei khat ah tusuk hi. Innteknu in a maitang en gige kawm in, "Nang Seventh-day Adventist taktak mah maw'?" ci in dongh hi. Maria in lamdang sa semsem hi. "Bang hong ci theih a hitam maw'?" ci hi.

Innteknu in social media page sungah tua KG kihong nuam pen Seventh-day Adventist te' vaihawmna ahihna na mu kha khin hi. Ama' muhna ah, Seventh-day Adventist limlim pen hoihmuh lel hi. Piano siamahpi khat ahihna tawh kum tampitak sung Seventh-day Adventist naupangnote piano hilh ngei khin hi. "Seventh-day Adventist naupangte KG sang kah nadingin ka inn ka kop theih angtang mahmah ing," ci zawsop hi.

September 15, 2016 ni in KG sang kihongta hi. A hanciamna uh Pasion in thupha pia a, kum 2 khith ciangin, KG sang nihna mun dang khatah a min kibang mah in kihon beh zo hi. Tu in, i KG sang khat ah naupang 16 om in, a khat ah 14 om hi.

Tuni ciangciang, Maria le KG sang masa innteknu kilawmta mahmah uh hi. A kiho khak simun, innteknu in, "Nang pen tumdang hong sa mahmah ing. Na nuntakna sungah Pasion in na sem sa ngiat ing," ci den hi.

Maria le a pawlte in zong innteknu le a pasal' adingin thu ngetsak den uh hi.

"Inntekte nupa in amau' ta taktak nei lo uh hi," Maria in ci hi. "Hih inn hong kop manun a nuntakna un manh neituam sa uh hi. Hong panpih tawntung lai uh hi. Eite tungtawnin amaute nuntakna sungah Pasion in geelna khat nei limlim ding hi, ci in thungetna ah amau nupa ka phawk tawntung uh hi," ci hi.

Tu kuata i sumpite khenkhat tawh hih Colorful Hope (Tzcentna Nadezhda) Kindergarten sang pen innsap tawm nawn loin amah mah in inn khat a neih zawh nading i huh ding hi. Bulgaria gam sunga nuntakna kikhelsak nasepna munte ah nong kihel manun lungdam mahmah hi.

VANTUNG IN BAWMTA SEPSAK

Albert and Ligia; Spain

Sabbath School superintendent' theih ding: Tuni i mission tangthu gen dingin mi 2: pasal 1 le numei khat seh in. Amaute Albert kum 40 le Ligia 39 mun ah thu gensak in.

Ligia: Venezuela gam ah Adventist innkuan khat sung panin ka pianga Pasion thu ahi ding zah theisa in ka khangto hi. Ahi zongin, kum 22 ka phak ciangin pawlpi nusia in leitung vai lam: show business le fashion lamah ka kihei khia hi. Kum tampi sung model pageants ka sem a, Miss Venezuela, Miss Hawaiian Tropic, le Miss Hispano cihte ka zem hi. TV ah, movie ah, le theater ah zong nasem ing. Magazine tuamtuan le fashion catalogs sungah zong ka suak kha hi. Business lianpi zong ka nei hi. A puatham et in na khempeuh ka nei gai a, ahi zongin ka sung tawng a hawmpi ahi hi.

Albert: Kei pen Spain gam, Barcelona panin tai 75 a gamlatna khuapineu khat ah ka khangkhia hi. Ko innkuan pen biakna nei tei ka hih uh hangin, nisim nuntakna ah upna a bulphuh khol lo ka hi uh a, kei bang pen Pasion neilote mah tawh a kibang ka hi hi. Nuntakna le sihna tawh kisai ka lungsim sungah dotna om den hi. Leitung biakna liante ah tua thumaan ka zonzon hangin lungkim huai takin ka muzo tuan kei a, Lai Siangtho sungah tua thu a om lam ka phawk kha kei hi.

Kei pen innlamzia, ngeina, khualzinna, nakhatpeuh kankhiatna, le leitung tangthu ah ka lunglut hi. Ahi zongin ka nuntakna limlim pen gualnopna le khiatna nei tummel lo a nuntakna tawh beizel a, lungkimna mel ka ngah kei hi.

Ligia: Kei zong leitung mun tuamtuan ah ka zin kawikawi hi. Pasion kiang panin ka gamlat hangin, ka lungsim tawng taktak ah, hih leitung hauhnate ah kidiah cip suak ding ka ngaihsun taktak ngam kei hi. Pasion in hong kep lam ka thei a, ahi zongin Ama kianga ciahkik ding pen piangthei ka sa nawn kei hi. Ka zumkhak nite pen vai tuamtuan tawh kidim dena, ka nuntakzia mahmah

pen Pasion' hong deihsakna tawh kilehbulh in kigamla pha mahmah hi.

Kizopna hoih lo tuamtuam tampite khith nung, na kasak mahmah thu khat ka tuah khith ciangin, khentat vilvelna khat ka nei hi. Ka nasep ka nusia hi. Na khempeuh nusia in, ka sumzonna bulpi zong ka khawl ta hi. Ka pianzia limlim pen show business sungah a kidiah mang khin ka hih photphot manin, tu in kua ka hiam cih zong ka kitezlo nawn kei hi. Tua hun lai in kei pen Spain ah ka om hi. Ka lungsim dah lua mahmah in laibu tuamtuam sung panin lungnopna khatpeuh ka mu khathei tam, ci in ka sim kawikawi hi. Tua bangin ka hih laitakin, ka pasal dinga ka deihdan nam ka gual suksuk hi. Tua ka gualhsukna ah a masa pen in, Pasion um hi ding, ka ci kha bilbel hi.

Albert: Rock music ah kum tampi ka bual khith ciangin lungkimna a mun lopi ah ka zong thapai kha hi. Ka nuntakna in man a neih ding kisam hi, cih khat ka lungsim ah hong kilo hi. Tua ka ngaihsut kawmin nakpi takin ka dah hi. Ka lungtang pen a thaksuah ding ut ngiat hi. Tua kawmkal ah ka lawmnu ding pen tawh ka lampi uh hong kituak lian hi.

Ka kimuh phet un, ka senpy pah uh hi. Lamdang ka sak mahmah uh khat in, ka kiho cil limlim uh pen upna thu kipunna hong hi pah lian hi.

Ligia: Ka kimuh kik leuleu uh ciangin, Spain gam a Seventh-day Adventist lasa siam minthang khat' lasakna ka ngai sak hi. Tua bang peuhmah kuamah tawh ka ngai khawm ngei nai kei hi. A cil in Albert in lamdangsa mahmah napi, tua tawh kisai bangmah hong gen se lo hi.

Ka zawlthu uh hong thuk luut semsem hi. Albert in damdam in Pasion hong thei ta a, ke'n zong ngeina cinsakna tawh hiloin, tuahkhak thute tungtawnin Pasion ka theihna hong khang semsem hi.

Albert: Nitak tampitak kahna, kihona, le nuihna in ka zang uh a—tua bang dinmun ciang dongah Pasion in hong tunsak theihna thu ka theihnel zawh nadingun ka hanciam uh hi. Ligia'

cihsan uh hi. "Piangoz vet lo ding hi. Bulgaria gam sungah sang khempeuh leh KG khempeuh a khong in a kikahsak laitakin, kua'n ei kiangah sum bei liangin hong kha peuhmah ding uh ahi hiam?" ci uh hi.

Ahih hangin tua zawh kha 3 khith ciangin, Colorful Hope (Tzventna Nadezhda) kindergarten sang hong kihong zo ta hi.

A mun ding a zonna uh kaal 6 sawt hi. Kum 3 pha, a tapa pua kawm in, Bulgaria khuapi Sofia khuasung ah innmun zongin Maria manlah mahmah hi. Ama' vengsung longal a zon lohna om nawn lo hi. A inn panin minit 15 val pai a kul lo mun hoih, a nai, deihi. Ahi zongin kuamah in tuabang mun kawmsak nuam lo uh hi. Inn neite a kuama peuh in Maria' KG hon nopna thu a zak uh ciangin, a lu uh peisan in, "Deih lo lua, a naupangte un i inn ninsak gawp pah ding hi," cih san uh hi.

Maria a lung kia semsem hi. Pasion' deihsa bang hiam, cih telzo nawn loin, a mun ding lah muzo mahmah lo hi. A hon hun dinga a sehsa ni a cin nadingin kaal 6 bekin sam lai a, hun bei hanhan hi. Maria in thu ngenkik in, a lungsim sungah, "Ka veng kiim tengah hoh ong zong dih ning," ci hi.

A sawt loin, lampi saklam khat ah lai kisuang khat mu hi. Tua inn a muh phet in Pasion in amau adinga a sehsaksa hi, cih theipah lian hi. Inn neite in zong ama' ngaihsut bang, a na ngaihsut nadingun thu ngen pah buatbuat hi.

A cih bangin inn neinu' lungsim na hitakpi leh kilawm a, Maria zong a lawmte tawh va hawh pah uh hi. Amau zong hoihsa pah uh a, innteknu in zong na thukimpah pah bilbel hi. Innneinu in phalpah bek loin, KG sang cih pen sum meet muh nading lamsang hi loin pilna kipat nading ahih ciangin, ci in a inn saap manh ding zong tampitak khiamsuk lailai hi.

Laipi tungah sign a thuh ma-un, Maria in a lungsim sungah, Seventh-day Adventist upna le paiziate a hilh ding ahihnam innteknu tungah genkholh huai sa hi. Innteknu in koici muh ding, cih pen a lungsim sungah patau kawm giugiau hi. Bulgarian mite pawlkhat in Seventh-day Adventist-te pen sect namkhat hi, ci in neumuh uh hi.

ADVENTIST KINDERGARTEN MASAPEN

Maria; Bulgaria

Ciapteh ding: Tu kaal i mission tangthu pen Bulgaria gam, Sofia khuapi sunga Colorful Hope (Tzventna Nadezhda) kici, Seventh-day Adventist kindergarten (KG) sang tangthu hi a, tu kuata i mission sumpi khenkhat tawh a kihuh ding ahi hi.

Maria' tapa pen kum 3 cingta a, ahi zongin anu in kumpi KG ah kaksak nuam lo hi. Ahi zongin teel theih ding om tuan lo hi. Seventh-day Adventist KG sang om nai lo ahih manin a cih nading thei loin om hi.

A nausuah khuan teng a bei nading hong nai semsem tawh kizui in Maria a lung hihmawhna hong lian semsem hi. Bulgaria gam ah nausuak khuan pen kicing takin kipia ahih manin a tapa kum 3 a phak dong inn ah ompih hithiat thei hi. Ahi zongin a sawt loin, bank zum ah a nasep a zopkik a kul ding hita hi. A nasepna le a khasum lamsang tawh kisai a lungkim hangin, kumpi sangah a tapa KG a kaksak ding pen ngaihsun thei phalo hi.

Atawpna ah, lungkim lo pipi in, nitak khat a pasal lamah kihei phe in, “Bangcih peuhmah ding ka leh? Nasep kipan kik dekdek ding hita ing aa,” ci ngeungau hi.

A zi' maitang limtakin a etgige kawmin, “Nang le nanging na khat peuhpeuh na khentat theih ding Pasion in hong deih hi, cih bang hun ciangin tel thei ding na hia?” ci hi.

A kammalte in Maria lungsim sukha in lamdang sa hi. Pasion' awging a za bangin kithei hi. A pasal maan hi, cih thei hi. Bulgaria gam adingin a masa penpen Seventh-day Adventist KG sang a hon ngam ding a thupina amahmah kiphawk thak hi. Himah taleh koici hon ding? Tua hun pen 2016 kumlai hi a, Bulgaria gam sungah Seventh-day Adventist sang kici limlim a om nai vet lo ahi hi.

Maria in zong a sunmang (vision) teng a pawlpi mite tungah a pulak ciangin, pawlkhat in KG hon pepeuh ding bel lem sa kei hang, kici pian uh hi. “Na hun mawk bek sak kei zaw in,”

adingin bel, inn lam ciahkik tawh kibang lel hi. Kei' adingin ahih leh, cikmah hun in piang thei dinga ka up ngei loh nuntakna thak ah a lut tawh ka kibang hi. Lai Siangtho sunga Pasion muh khiat nading pen a haivai tawh kibang liang kasa hi. Ahi zongin ka theih taktak ciangin tua sangin a thupizaw, a hoihzaw dang bangmah a omloh lam ka mukhia hi.

Ligia: Hih banga ka kizopna, ka kikhohlna uh pen a taktak in kotegel kikal bek ahih loh lam ka phawk behbeh uh hi. Thum kimuh khopna na hizaw gige hi: Albert, kei, le Pasion. A tung limlim in Pasion pen ka laizang vuah a na om gige na himawk a, hong makaih kaih na hi gige hi. Kote' adingin Amah in ngimna khat hong neihsak gige ahih lam ka phawk khiat uh ciangin, kiten ding ka khentat ta uh hi.

Albert: Ka nih un kituiphum pah in, tua khit ciangin ka kiteng uh hi. Tua banga ka tuahkhak uh thute khempeuh pen a taktak in kaamthu na hi het lo hi.

Ka hun beisa khempeuh uh ka ngaihsut kikkik uh ciangin lungnopna om lo a hawmpi ka hih lamuh ka kiphawk kik pha saansaan uh a, tu in ahih leh Pasion in Ama' itna tawh tua a awng munte hong huksak gai hi. Amah in leitung gualzawhnate, gualnopnate, le puatham taka kizopnate khempeuh in Amah bekin a septheih bukimna luah zo ngei het lo ahihna, Pasion in damdam in hong muto saksak hi.

Ligia: Leitung kineihkhemna panin Pasion in kote hong honkhia taktak hi. Tu in, Ama' adinga nasem dingin ka nih un ka kipekhia taktak ta uh a, ko muh mah bangin midangte in zong Pasion sunga kikheelna taktak a muh theih nadingun huh dingin ka ki-ap ta uh hi.

Albert: Tuni in, kote mai ah Pasion pai in hong makaih ngiat hi, cih upna tawh ka nih un khut kilen in ka paikhawm uh hi. Ka mission uh ahih leh, kote mah bangin nuntakna manh nei a zong mite kiangah thu manpha gen in Zeisu thu a hawmsawn nasep kasem uh hi.

Ligia: Ka tangthu uh tu-a teng hi: Leitung gualnopna panin Pasion anglim ah tangtakin ka tunna thu uh ahi hi.

Thugenpa: Tu in Albert in Spain gam a Sagunto Adventist College ah upna le science lam tawh MA a sin laitak hi a, a pualam mite kiangah Pasian' thu a ciikzaw le a zaizaw in Ligia tawh a hopsawn theih nadinguh ngimna ahi hi. Leitung bup tuama om Seventh-day Adventist tampite in Albert' sangkahna ah huh ziahziah khin uh hi. A beisa Sabbath 13na sumpi khenkhat tawh ama' kahna sangah theology department a dingin kihuh ngei khin hi.

Tu kuata sumpite tawh Inter-European Division sunga gam tuamtuamte, Spain gam zong a kihelte sungah lungdamna thu a kizelh mengmeng nadingin hong huh ding na hih man un lungdamna lianpi kong ko khol uh hi.

hi. Tua secretarynu in zong za hi. Ahi zongin kuama'n len lo uh hi.

Acih nading thei nawn lo ahih manin Iva in presidentpa phone kik a, "Nang mahmah in na hopih mai ve," ci hi. Tua ahih manin ama'n zong hopah hi. Secretarynu mai tektek ah ding phe in, a zum phone nambat meek taleh sang tuan lo lailai hi.

A tawpkhakna ah, pawlpi mite in zong a innmun vai uh tawh kisai in a lung uh himawh pianpian ta hi. Banghang hiam cihleh, Sofia West Seventh-day Adventist Church mun dinga a leina mun uh pen mun hoih mahmah in—subway station tawh kizompah ahih man hi dingin ummawh uh hi. A pang langkhat lamah shopping center gol mahmah khat om sawnsawn hi. Alangkhat lam leuleu ah tram line phualpi om hi. Tua thute hangin mi khatpeuh in, hih Seventh-day Adventist te in a lung uh kia henla, a biakinn mun dingvua a ngaihsuh uh tua innmun pen manh olno takin hong zuak leh hoih ding, a ci giugiau a om dingin ngaihsunta uh hi.

Biakinn a lam theih nadingun nakpi taka thunget hong kipan uh hi. Kum 25 sung vilvel thu ngenngen mai uh hi. Atawpna ah, Sofia ah chief architect thak khat hong tunga, sawtveipi tak a ngakngak uh building permit laipi tungah sign hong thuh sak taktak ta hi. Biakinn lam pen Octorber, 2024 kumin kipan pah hi.

"Kum 25 sung tawntung i thungetna tu in a gah kimu taktak ta hi," ci in pawlpi elderpipa in gen hi.

Sofia West Seventh-day Adventist Pawlpi biakinnpi pen tu in a kilamsaan laitak hi a, 2020 kum kuata masa i sumpite tawh lam a kipan ahih manin, hong pekhia mimal khempeuh tungah lungdamna kong ko uh hi. Tu kuata sungah zong i Topa Zeisu minthan nadingin nong kihel lai nadingun kong thum uh hi. I sumpi khenkhat pen Colorful Hope (Tzventna Nadezhda) kici Seventh-day Adventist kindergarten pen saaptawm inn pan in Sofia ah eima' sanginn ngiat ah i hon theih nadingin kizang ding hi. Phal takin nong huh manun lungdam mahmah hi.

INN LAM KHUAN PERMIT

Marian; Bulgaria

Bulgaria gam ah inn na lamnop leh phalna (permit) na ngah phot kul hi. Tua permit pen khuapi panin kipia hi. Seventh-day Adventist Pawlpi in zong Sofia khuapi laizang ah biakinn khat lam nuam ahih manin, khuapi sunga chief architect' in sign a thuhsakna kisas hi.

Tua sign thuhna ngah nadingin, tua ulianpa mimal ngiat a vamuh kul hi. Ahi zongin nisim in amah kimu thei lo hi. Tua banga sign thuh ziau dingin, kha khat in nitaklam khatvei bek a zum kah ziau hi.

Tua banah, appointment ngah theih nadingin phone bek tawh ki call thei hi. Mimal a kimuh ding phal lo hi. Tu in Bulgaria gama Seventh-day Adventist pawlpi lai-at Iva' tavuan pen tua chief architect' ii a secretarynu phone tawh hopih ding ahi hi.

Hih thu pen a olupak hi lo hi. A kha masa sungin Ira in a call simin phone line busy den hi. A kha nihna ciangin, line awng napi, kuama'n dawng lo hi. A kha 3na le 4na ciangin phone line pen busy zel hi.

Atawpna ah, Bulgaria gam Seventh-day Adventist presidentpa ngiat in a vai khempeuh uh a va pulak dingin mimal ngiat-a va mu dingin ulianpa' zum ah va hawh ngiat hi. "Hih lai ah appointment ngen dingin mimal in pai khuan om lo hi," secretarynu in na cihsan hi. "Phone tawh na call bek ding hi," ci se hi.

Tua ahih manin presidentpa in zong tua chief architect' zum sung panin phone tawh a pawlpi lai-atnu Iva call masa a, "Kei a zum vuah va tung khinta ing. Tu in a secretarynu uh phone tawh na call in," ci in galsawl hi.

Iva in zong call pah in, kilen vetlo ahih manin call kikkik a, ahi zongin kuama'n dawng tuan lo hi. Phone gingging mai hi. A gei ah Seventh-day Adventist presidentpa in zong za lua mahmah

ENOC' SUNMANG, PART 1

Enoc; Spain

Enoc in Spain gam a ten pen zalmang mat tawh kibang kisa hi. Barcelona khua mi sumbawl mihau khat tawh physical therapy hong khawm uh a, kum 20 val sung khawng ahih leh kuamah eng loin nuntak nuamsa lel hi. A zi, Ingrid in Seventh-day Adventist nursing home ah physical therapist sem hi. Tapa nih nei uh a, nuntak zong nuam salel uh hi.

Banghang in Adventist pastor hizah liang in suak nuam a hiam, cih Enoc amah le amah kitel zo lo hi. A nasepna ah hih ciang lawhcinna nei khin pipi Pasion in lungkim thei a sak loh khak ding dah zel hi. "Nong thupha piakte ka hawmthawh man hi kei, ahi zongin pastor suak nuam limlim ing," a cih ding lah nuamsa lo zel hi. Tua ahih manin, a lunggulhna Pasion kiangah ko ngam loin, Ingrid nangawn kiangah zong gen ngam lo hi.

Tuateng kawmkal ah COVID-19 hong tungin a zatoneu uh kaal 3 khawng khak phot uh hi. A honkik uh ciangin, Enoc' lunggulhna ahi, pastor suahnopna hong khangkik semsem hi. Pasion' adingin a nasepna kihawm thawh hi. A gei vuah zato hongkah mite tungah Zeisu thu gen pihpih in thu ngetpih a, ahi zongin mikim in Pasion thu za nuam khol lo zel hi. Enoc in ahih leh Zeisu thu gen ding kin mahmah hi. Physical therapist khat hihna bek tawh a lungkim zolo hi.

Enoc in nuam asak penpen hun in Pasion tawh a kikhollh hun ahi hi. Zingsang biakpiakna le mimal Lai Siangtho sinna nuamsa hi. Zingsang sima a simzel Lai Siangtho kammalte pen a cinate' zak dingin a deihsak mahmah kammalte hi pahpah hi. Pawlkhatte in thu a ngetpih nadingin kunh kik bilbel ta uh hi.

Tua dong mah, Enoc in pastor a suah nading thu ngen nai lo hi. A lungsim ah, *Pasion' deihna ka sep kul a, amasa in physical therapy tawh ka sep phot ding Pasion in hong deih hi ding hi*, ci hi. Ahi zongin, nitak sim inn a ciah ciangin a lawmte tawh Pasion thu bekbek a kikuplam le thu a ngetkhop lamuh gen pahpah hi.

Atawpna ah, Ingrid in, “Kong gennop khat om. Pasion in ka lungsim sunga ong theih sak den khat pen, Sagunto ah va pai inla pastor na suah theih nadingin theology vasin leteh hoih ding hi,” ci vat mawk hi. Sagunto Adventist College pen Spain gama pastor sem nuamte’ sangkahna ahi hi.

Enoc in a lungsim sunga a puakpuak thute a zi’ kam panin hong zak khak ciangin, a lungsim sungah piangthei a saklohna khang semsem zawsop hi. Nasep khat a nei khin kimlai ahi hi. A nupa un Barcelona a ten nuamsa uh hi. A tapate uh zong tualai ah sangkah uh hi. A zi kiangah, “Hih thu pen Pasion’ deihna ahiah—kei’ lunggulhna bek ahi lo ahiah nakleh—Pasion in nang kiangah hong theisak kik ding hi,” ci hi.

Ahi zongin Ingrid in ahihleh tuabang ci lo hi. Kaal sim in a pasal kiangah, “Sagunto ah i pai mengmeng ding bekbek Pasion in ka lungsim sungah hong theisak den hi,” ci hi. Enoc in a dawnkik simin, “Hi thei mahmah lo hiveh aw! I om nading inn kisam pah ding, nasep zong i neih kul, tua banah naupangte sangkah nading sang thak i kan kul lai ding. Tua bang khawng ngaih sutsutna in i hun mawkbei saksak huai zong sa nawn keng,” ci zel hi.

Ni khat, Enoc in a lungsim tawng khempeuh pastor khat mah ahi, a nuphalpa (a zi’ sanggampa) kiangah va sung khia hi. Ataktakin gen a tup hetloh hinapi, a kam panin hong ging khia daudau mawk hi. A nuphalpa in zong thungetna tawh panpih dingin kamciam pia a, “Azenzen in hih pen Pasion’ deihna ahihleh, Amah in nang tungah hong theitelsak ding hi,” ci hi.

Tua zawh a sawt loin in a sungpa (Ingrid’ pa) hong si ahiah manin, a sungnu ompih dingin a kiangah a innkuan un va kituah dingin ngaihsun uh hi. Enoc le Ingrid in thungen khawm uh a, “Nu huh dingin Barcelona ah kituah zaw ding ka hi uh hiam? Tua ahiah keileh, Sagunto ah kituah zaw ding ka hi uh hiam?” ci uh hi.

Ingrid in a pa’ khuapi sung mun tampi ah a resume a khak kawikawi hangin kuamah in thukkik mahmah lo hi. Tua kawmkal ah Barcelona a Enoc’ physical therapy zong hong lawhcing semsem hi. A seppihpa tawh a nasepna uh lawhcing ahiah manin behlap dingin geelna nei lai uh hi.

mun ah hong puak hi a, tu-a kipanin, Ama’ hong sawlna peuhpeuh ah i pai ding hi,” Enoc in cihbeh hi.

Tulaitak a Enoc’ sang kahna Sagunto Adventist College a theology department kibehlap nadingin nidanga i Sabbath 13na sumpite khen khat tawh nong huh ngei khin uh hi. Tulaitak a Ingrid nasepna ahi, numei bawda zong i sumpi dangte tawh khatvei nong huh ngei khin uh hi. Hih i sumpite in Enoc, Ingrid le midang tampite’ adingin kilamdanna lianpi hong piangsak mah bangin, tu kuasa Sabbath 13na cianga nong khiat ding uh sumpite in a zaizaw in mi tampite in tawntung nuntakna ngah lawh lai ding uh hi. Tu kuasa na sumpite uh tawh Inter-European Division sunga gam tuamtuamte, Spain gam zong a kihelte sungah lungdamna thu a kizelh mengmeng nadingin hong huh ding na hih man un lungdamna lianpi kong ko khol uh hi.

tawh lungkim zo loin, nih a nget mah angin, amaute tungah zong Pasian in a sepsak nadingin ngen ngiat uh hi.

A zingsang ciangin, nasepna ah mawtaw tawh a pai kawmin Ingrid in thungen kawm hi. COVID-Lockdown hun sunga amah le Enoc in a bawlkhiat uh Bible board game phawk kik vat hi. Tua a game bawl uh pen Spain a youth department ah a puak khit uh hinapi, kha tampi cing khinta a, bangmah dawnkikna peuhmah ngah nai lo uh hi. A thungetna ah, “A zenzen in tua ka game bawl uh tawh kisai in youth director in hong contact a leh, Sagunto ah ka pai nading vua lim lamdang nihna Pasian in hong lak hi, ci in ka sang ding hi,” Ingrid in ci hi.

Tua khit ciangin hici ngaihsut kik leuleu hi. “Kong ngetnop tam lua Topa Pasian aw,” ci in Ingrid in Pasian hopihpih hi. “Ka kiho loh uh sawtvei khin lua. Ka hopih zong thadah. Den a ka gen, Sagunto ka pai ding uh le ka pai loh ding uh tawh kisai, lim lamdang nihna ding Nong lah ding a ci bek hi ing. Tuapa tawh a kiho nuam zong hi tuan ke’ng,” Ingrid in ci hi.

Tua zawh nai lang khit ciang, tua youth directorpa in a phone ah message khak takpi hi. Hibangin gelh hi, “Tua game tawh kisai in gen ding bangmah thu lamdang om tuan kei. Tu dong mah na enen lai ung, cih hong gen nuam hi peuh lel ing. Hizah ci phot ni.”

Ingrid zong Enoc phone set pah hi. “Sagunto ah pai taktak ta ni ei,” ci hi. “Bang ci’n maw?” a cih leh, “Nitak ciangin inn ah ong gen ning ei,” ci ziau hi.

Tu in, Enoc le Ingrid-te nupa pen Sagunto Adventist College ah teng in na semkhawm uh hi. A tapa tegel zong tua campus sunga Adventist school khat ah sangkah uh hi. A Physical therapy nasepna vuah ama’ share teng a zuak khia, Enoc pen, tu in theology sin in, hunbit takin Zeisu thu lawpna le suahtakna tawh genziahziah thei ta hi.

“Pasian’ deihna, Ama’ aw le sep dinga hong deih peuhpeuh a sem ding le a ngai dingin kigingsa in om den ding ka khentat ngiat uh hi,” Enoc in ci hi. “I nuntakna ei aa hi lo hi. Pasian in hih

Lai kisamteng a zawhkuan laitak un, a lawmpa in gitneih lohpi in, “Bangdia pastor sem lo na hia leh?” hong ci vat mawk hi. Enoc kigaihvat liang hi. “Bang ee na hai ciakciak?” ci in dawngkik hi. “I kiangah mi ong pai ciangin Zeisu thu bekbek na genge ve. Na uuk ngel ve, bangdia pastor sem ziau lo na hia?” alawmpa in ci hi.

Tua zawh a sawt loin, Enoc le a innkuanpihte Sagunto Adventist College vatung ta uh a—tua lai ah pastor septheih nadingin theology vasin thei takpi hi. Ataktak in tua pen amau’ geelmasakna hi lo hi. Pasian’ geelna ahi hi.

Mai Sabbath ciangin bang tangthu hong om lai ding cih lamem takin ngak gige ciat ni.

Tulaitak a Enoc’ sang kahna Sagunto Adventist College a theology department kibeblap nadingin nidanga i Sabbath 13na sumpite khen khat tawh nong huh ngei khin uh hi. Tulaitak a Ingrid nasepna ahi, numei bawda zong i sumpi dangte tawh khatvei nong huh ngei khin uh hi. Hih i sumpite in Enoc, Ingrid le midang tampite’ adingin kilamdanna lianpi hong piansak mah angin, tu kuata Sabbath 13na cianga nong khat ding uh sumpite in a zaizaw in mi tampite in tawntung nuntakna ngah lawh lai ding uh hi. Tu kuata na sumpite uh tawh Inter-European Division sunga gam tuamtuamte, Spain gam zong a kihelte sungah lungdamna thu a kizelh mengmeng nadingin hong huh ding na hih man un lungdamna lianpi kong ko khol uh hi.

ENOC' SUNMANG, PART 2

Enoc; Spain

Nung kal tangthu a zom: Enoc in Spain gam a ten pen zalmang mat tawh kibang kisa hi. Barcelona khua mi sumbawl mihau khat tawh physical therapy hong khawm uh a, kum 20 val sung khawng ahih leh kuamah eng loin nuntak nuamsa lel hi. A zi, Ingrid in Seventh-day Adventist nursing home ah physical therapist sem hi. Tapa nih nei uh a, nuntak zong nuam salel uh hi. Banghang in Adventist pastor hizah liang in suak nuam a hiam, cih Enoc amah le amah kitel zo lo hi. Ni khat, lai kisamteng a zawhkuan laitak un, a lawmpa in gitneih lohpi in, "Bangdia pastor sem lo na hia leh?" ci vat mawk hi.

Tua nitak in, Enoc in Ingrid kiangah a lawmpa tawh a thu kikuipeng uh a genkik hi. A zing ciangin, a lai kisamteng khempeuh sign thuh dingin geelkhol pah hi.

Kha tampi sung Enoc pastor sin nading a hanthawn thawn Ingrid in tu in nakpi takin thu ngen a: "Topa Pasion aw, Nang na daih ciangin ka geeldan ding uh bangmah ka thei kei uh hi. Koi mun koi mun ah a pai thei lian dingin kiging khin ta ung, ahi zongin nong deihsakna mun hong hilh in," ci hi.

A zingsang ciangin, mimal ki-apna nei dingin Enoc hong tho hi. Lai Siangtho simin thu a nget khit ciangin, khangham Sabbath School lesson leem in Abraham' upna thu tawh kisai a sim kha hi. A sawl nading mun ah a pai dingin Pasion in Abraham a sapkhatna thu ahi hi. Enoc zong thu ngen pah a, "Tua bangin nong gen ding nak leh baih mahmah lel hi Topa aw. Nang kiang panin kam khat bekbek nong zaksak ding ka ut hi," ci in thu ngen hi.

Nai 7 pawl ciangin Enoc' phone hong ging hi. Sagunto Adventist college siapipa kiang pan hi. "Zing khangkhang in kong phone khak manin nong maisak oh, ahi zongin na WhatsApp a active lam ka muh ciangin tho khin ta na hihlam ka thei hi. Kong dotnop pawl khat om ahih ciang a," ci hi.

"Bang thu om a hia sia?" Enoc in ci hi. "Bangmah om sam

kei ee," siapipa in a cih kawm in, "Ahih hangin, ka lungsim sunga Pasion in ong phawksak den thu khat ong gen nuam hi ingh. Na nupa un Sagunto ah ong pai le ucin a ci nuam hi ve ungh. Nang pasal bawda uk sem in, na lawmnu'n numei bawda uk huh sem leh aci hi ve ung. Khasum le omna ding hong pia le ung a lem dia?" ci hi.

Enoc in ama' bil nangawn um zolo phial liang hi. Pasion in Abraham tungah direct in agen mah bangin siapipa in Enoc tungah teltakin a gen ahi hi. Siapipa in a sep ding tenguh limtakin a genbeh khit ciangin, "OK maw, lem lo ong ci kik thei lo ding na hi maw. No zong nasep na neih lam uh pen ke'n zong na thei khin ing, ahi zongin ong kunh ngiat hing ei maw," ci kikkik hi.

Enoc in a dawnkik dan ding theipak vet lo hi. Atawpna ah, kum tampi sung pastor a suahnop ngiatna thu gen dingin hong hanciam a, ahi zongin piangthei vet lo, ahihna thu gen dingin hong pan piatpiat hi. Tu in ahihle, siapipa' sapna pen Pasion in lampi a honsak lam teci taktak hi ta hi.

Siapipa in lamdang sa mahmah hi. A kiho khit uh ciangin Ingrid in a thuteng hong dong hi. "Sagunto Adventist College president in hong hopih hi," Enoc in ci hi. "Tua lai ah bawda uk dingin i nupa in hong deih hi."

Ingrid nakpi takin hong kapkhia ee-aa hi. A zan nitaka a thungetna ah Pasion in Ama' deihna a pulak ding a nget pen a ngah hi ta hi. Ahi zongin ama' mimal lunggulhna dan hi leh pen, a pa' nusiak khit sawt lo ahih manin, a nu kiangah va om le uh ut masa zaw hi.

"Hi thei kei. Ka nu kiangah ciah nuam zaw ing," Ingrid in ci hi. Amah in a pasal Enoc kiangah, "Pasion in Sagunto ah pai ding hong deih leh a kician sinsen lim khat hong lak lai hen," ci hi.

"Hizah taka kician thu nang kicing sazo nai lo maw?" Enoc in ci hi. "Hi kei, lim kician khat deih lai ing," ci teitei hi.

Enoc le Ingrid in deih takin thungen khawm uh hi. Thukhente alian 6 sungah Gideon in zong lim lamdang khat bek